

Ka 'Imi Kāko'o 101 a me nā hana i hiki ke hana 'ia e nā 'oihana kaiaulu

He mea ko'iko'i ka helu pau me ka helu pololei 'ana i nā Hawai'i a me nā kānaka Pākīpika no ka puka pono o ka hana helu kanaka. Hiki iā kākou ke kōkua ma ka hō'oiā 'ana i ka helu 'ia o ko kākou kaiaulu ma ka Helu Kanaka 2020! Eia kekahi mau hana a hanana e hiki ai i nā 'oihana kaiaulu ke kōkua mai ma ka ho'olaha 'ana no ka helu kanaka 'ana.

Kauwela 2019 - Ka Lā Helu Kanaka Ka Ho'olālā me ka Ho'olauka'i 'ana

E lilo i pakanā 'Oihana Helu Kanaka

Ke 'imi 'ia nei nā 'oihana kaiāulu i kama'āina loa i ko kākou kaiāulu a e 'ike i ke ala maika'i loa e lilo ai i kōkua ma ka lilo 'ana i Pakanā i ka 'Oihana Helu Kanaka. He mau hoalauna nā pakanā 'Oihana Helu Kanaka e kōkua ana ma ka ho'olaha 'ana i ke ko'iko'i o ka ho'okō 'ana i ka helu kanaka 'ana. He mau ala e kōkua ai nā pakanā - mai ka hō'ike 'ana i nā 'ikepili o ka 'oihana helu kanaka, ka mālama 'ana i hālāwai, a i ka paipai 'ana i nā lālā o ke kaiāulu e lilo i limahana o ka 'Oihana Helu Kanaka. No ka lilo 'ana i Pakanā 'Oihana Helu kanaka, e ho'oka'a'ike aku i ka papahana Pakanā Helu Kanaka ma census.partners@census.gov, a i 'ole paha i ke ke'ena helu kanaka o kou Māhele 'Āina (Atlanta.rcc.partnership@2020census.gov, Chicago.rcc.partnership@2020census.gov, Dallas.rcc.partnership@2020census.gov, Los.Angeles.rcc.partnership@2020census.gov, New.York.rcc.partnership@2020census.gov, Philadelphia.rcc.partnership@2020census.gov).

Li'ili'i a Nui hou aku. Hiki ke ho'omaopopo 'ia 'oe no nā 'ikepili hou a nāu e hō'ike aku i ka po'e o kou kaiaulu!

E komo a e ho'okumu paha i kōmike helu pau i nā kānaka.

Kōkua ke kōmike helu pau i nā kānaka i nā alaka'i ma ka ho'olauka'i 'ana i nā ho'olaulaha a he kōkua nui ma ka ho'onui 'ana i ka maopopo no ka helu kanaka 'ana. Alaka'i 'ia nā kōmike helu pau e nā kānaka o ke aupuni kūloko ma ke kūlanakauhale a kalana paha, a komo pū mai nā lālā o nā kaiaulu, kālai'āina, a 'oihana paha e like ho'i me nā hale pule a hui ho'omana, nā lawelawe, nā hui pono sīwila, nā 'oihana, nā uniona, a me nā papaho. E hō'oiā me kou mau 'elele aupuni inā ua ho'okumu mua 'ia ke kōmike helu pau i nā kānaka a no kou kōkua 'ana. Inā 'a'ole i ho'okumu 'ia ke kōmike helu pau i nā kānaka, e kelepona i ke ke'ena o kou 'elele a e ho'opa'a paha i hālāwai e hō'ike ana i ke kumu o ke ko'iko'i o ka helu kanaka 'ana no ko kākou kaiāulu me ke ko'iko'i o ko lākou kāko'o 'ana.



Ka wā me nā Kumuwaiwai e pono ai: Li'ili'i a nui loa. Inā ua ho'okumu mua 'ia ka hui helu pau i nā kānaka, hiki ke hele i ka hālāwai no ka 'ohi 'ana i ka 'ikepili me ka ho'olauka'i me kekahi mau po'e hou aku. Inā makemake nō kākou e 'auamo i kuleana hou aku, hiki nō ke ho'olauka'i i ke kōmike helu pau i nā kānaka.

Hā'ulelau 2019 - Ho'oilo 2020

E ho'onui i ka 'ike no ka Helu Kanaka 'ana me ka paipai i ka pane

E ho'omaka i ke kākā'ahi i nā palapala 'ikepili

E kākā'ahi aku i nā palapala ho'olaulaha - mai nā pelaha li'ili'i a i nā palapala 'ikepili i ko kākou kaiāulu. Hiki pū iā kākou ke ho'ohana i nā 'ikepili o ka helu kanaka 'ana ma nā hana ho'olaulaha e kū nei a e ho'olālā i hanana hou aku no ka helu kanaka 'ana.

Ka Manawa me nā Kumuwaiwai e pono ai: Li'ili'i a Nui Hou aku. Hiki nō iā kākou ke kākā'ahi aku i nā palapala ma kā kākou mau papahana a e komo ma nā hanana kaiāulu hou aku a waiho i nā pelaha ma nā 'oihana o ke kaiāulu.

Ho'ona'auao Hele ma nā Kaiahome

'O kekahi hana maika'i loa no ka ho'oulu 'ana i ka 'ike no ka wā o ka helu kanaka 'ana 'o ia nō ka ho'ona'auao hele 'ana i ka po'e ma kekahi kaiahome, keu ho'i nā po'e o nā hale i kānalua i ka ho'opau 'ana i nā palapala helu kanaka 'ana a 'ike 'ole paha i ke ko'iko'i o ka helu pololei 'ana i nā heluna kanaka o ko lākou 'ohana a kaiāulu. Hiki nō iā kākou ke kipa i kēlā me kēia hale a e kelepona paha iā lākou ma mua o ka ho'omaka 'ana o ka wā helu kanaka no ka ho'onui 'ana i ka 'ike a ma ka wā helu kanaka e ho'omaopopo pū i ka po'e e pane a me ke 'ano o ka pane 'ana. Hiki iā 'oe ke hō'oiā i nā wahi e li'ili'i ai ko ka po'e ho'okō 'ana i ka helu kanaka 'ana ma ka nānā 'ana i ka palapala 'āina e hō'ike ana i nā wahi pa'akikī o ka helu 'ana: www.censushardtcountmaps2020.us. Noho ma kahi o ka ho'okahi o ka 'elima 'Amelika Asia, a ho'okahi o ka 'ekolu Hawai'i a kanaka Pākīpika ma ia mau wahi pa'akikī o ka helu 'ia o nā kānaka.

'Ano nui a Nui. He wā lō'ihī ho'i paha ka hō'oiā 'ana i nā wahi pa'akikī o ka helu kanaka 'ana, ka ho'olālā 'ana i ka hana kūpono, a laila ka ho'omākaukau 'ana i ka po'e e mālama ana i ka ho'olaha 'ana. He pāhana maika'i kēia inā he mau lālā kōkua e kōkua ana ma ka ho'olaha helu kanaka 'ana.

E Ho'olaha ma nā Hanana Kaiāulu

Maika'i ka launa o ka papahana paipai i nā kānaka i kekahi mau hanana a wahi ma ke kaiāulu. E hele i nā hanana, nā ho'olaule'a ma ke kaiāulu no ka ho'olaha ma ko kākou kaiāulu no ka wā helu kanaka e ho'omaka koke ana me ke ko'iko'i o ka helu piha a pololei 'ia 'ana. E lawe pū i nā mea ho'olaulaha me nā mea i unuhi 'ia no ka hā'awi 'ana aku i nā lālā o ke kaiāulu.

Ka Manawa me nā Kumuwaiwai e pono ai: Li'ili'i a Nui a'e. Hiki iā 'oe ke hele i ho'okahi hanana a nā hanana he nui wale.

E Ho'olālā I Kā Kākou Mau Hanana Ho'olaha

'A'ole nō e pono ana e ho'olauka'i 'ia nā hanana nui loa. Hiki ke ma'alaha e like ho'i me ke kono 'ana i kekahi mau kānaka e 'ai pū i ka 'aina awakea. Hiki nō iā kākou ke ho'okomo pū i ka ho'olaha no ka helu kanaka ma loko o kā kākou papahana ma'amau a lawelawe ho'i, e like me nā hālāwai lālā, nā



wā ho'oka'a'ike, nā papa a me nā mea hou aku, ma ke kāka'ahi 'ana i nā palapala 'ikepili a e kōkua paha i nā kānaka ma ka ho'opihapiha 'ana i nā palapala. Inā 'oi a'e ka nui o ko kākou manawa, nā kumuwaiwai, a me nā limahana e lawa ai ka hana, hiki nō ike ho'oulu i ka hoihoi ma kekahi pā'ina hale, pā'ina kaiāulu a hanana ma ke kahua kula.

Ka Manawa me nā Kumuwaiwai e pono ai: Li'ili'i a Nui. He kōkua nui nā hana a pau -Hiki iā kākou ke koho i ka nui, ke 'ano, a me ka nui o nā hanana i kūpono no kākou me ko kākou mau kaiāulu.

Malakai 2020 - Lulai 2020

E HA'INOLE I KA HANA A PAIPAI I KA PANE

E Kūkulu ho'i i nā Wahi e hiki ai i nā po'e ke a'o i ka 'ikepili a ho'opihapiha i Kā Lākou Mau Palapala

Hiki nō iā kākou ke kūkulu i kikowaena no ke kōkua 'ana i nā lālā o ke kaiāulu ma ka pane nīnau 'ana a me ka ho'ouna 'ana i kā lākou mau palapala helu kanaka. Hiki nō iā kākou ke kōkua i ka po'e ma ko kākou wahi hana, a i 'ole hiki nō ke hana pū me nā hoapanakā e like ho'i me nā hale waihona puke, nā kula, nā wahi launa kaiāulu, a pēlā wale aku. Hiki i ke kikowaena ke mālama i nā hanana no ka ho'olaha 'ana i ka helu kanaka 'ana, pane nīnau e pili ana i ka helu kanaka 'ana, a e kōkua ma ka 'ōlelo i pa'a iā lākou, e kāka'ahi pū i nā palapala i pa'i 'ia, a e 'ae i nā ipapa a kamepiula i ku'i i ka punaeweke no ka ho'ouna 'ana i nā palapala helu kanaka 'ana.

E hana pū me ke kōmike helu kanaka o ko kākou moku'āina, ke kalana, a ma ke kūlanakauhele paha no ka ho'okumu, ho'olauka'i, a ho'olaha ho'i i ke kōkua no ka helu kanaka. E paipai i ka ho'ohana 'ana i ka laupapaho, nā hui launa a mo'omeheu, nā wahi ho'omana, nā nūpepa kaiāulu me nā nūleka, nā wahi hana, nā ke'ena lawelawe, a me nā wahi 'ē a'e e hui ai nā kānaka. I nā makahiki iho nei, ua kūkulu ka 'Oihana Helu Kanaka i nā kikowaena kōkua no ke kōkua 'ana i ka po'e e ho'opihapiha i nā palapala nā lākou iho, akā no ka makahiki 2020 'a'ole nō mōakāka ka mea e hana 'ia ana e ka 'Oihana Helu Kanaka. He mea nui kēia no nā 'oihana kaiāulu ^e kōkua i nā kānaka ^he alo a he alo.

Ka Manawa a me Ke Kumuwaiwai e Pono ai: Nui a Nui hou aku. He wā ho'i paha ka ho'olaha 'ana no ke kōkua i ka ho'opihapiha i nā palapala helu kanaka 'ana, ke a'oa'o 'ana i nā kānaka e kōkua ana, a me ka mālama 'ana i hanana ho'olaha.

E ho'ohana i nā ala ho'oka'a'ike like 'ole no ka ho'ona'auao no ka helu kanaka 'ana

E hana pū me nā ala ho'oka'a'ike ma'amau a nā kānaka a pau me nā ala ho'oka'a'ike a nā kānaka o nā lāhui no ka ho'olaha 'ana i ka ikepili Helu Kanaka ma kā kākou nūleka hana, nā papainoa leka uila, nā papa kolekole a me nā ala ka'a'ike e ho'ohana 'ia nei. E ho'ohana i nā kūlelepaho e like ho'i me Puke Alo, Twitter, Instagram, Snapchat, Whatsapp, a me nā pae hou aku no ka hō'ike 'ana i ka ma'alahi, palekana a ko'iko'i o ka helu kanaka 'ana i ko kākou kaiāulu.

Ka Manawa a me Ke Kumuwaiwai e Pono ai: Li'ili'i a Nui. He kōkua nā hana li'ili'i a pau - mai ka ho'olaha aku ma ke kūlelepaho a i ka ho'olauka'i 'ana i kekahi Hālāwai Ho'olaulaha.

